

На Господи возвах, глас 4:

Яко прекрасная Сло́ва Пала́та, / и Престо́л Светоноси́вый Богоро́дице
Влады́чице, / сопресто́льное Сло́во Отчее во Твои́х ложесна́х вмести́ла
еси́, / и ро́ждши Све́т незаходи́мый, на́ше омраче́ние просвети́ла еси́: /
ле́сть зми́ну отгна́ла еси́, и тле́ние потреби́ла еси́: / жи́знь ве́чную
ми́ру дарова́ла еси́ Твои́м Рожде́ством: / врата́ ра́я отве́рзла еси́, /
и вся́ благая́ челове́ческому естеству́ дарова́ла еси́: / но и ны́не,
Госпоже́, Твои́ми моли́твами, // избавля́й рабы́ Твоя́ от все́х бе́д.

Яко вели́ка су́щи Цари́ца и Ма́ти, / на Небеси́ Превысо́ких Си́л Царя́, /
Пречи́стыя Твоя́ ру́ки просте́рши, / моле́бно за ны́ предстои́ши, /
и на земли́ я́ко Держа́вная Помо́щница / Божество́нною Твое́ю ико́ною /
и ду́хом с Твои́ми рабы́ пребыва́еши, / и ве́село спаса́еши, и
избавля́еши от вся́кия напа́сти // благоче́стно Богоро́дицу Тя́
испове́дающия.

Яко порфи́рою ца́рскою и ви́ссом, / ико́ною Твое́ю, и Твоего́ Сы́на,
Богоро́дице, / Це́рковь Бо́жия просвети́вшись, красу́ется чудесы́. /
Дне́сь явлéнием вся́ созыва́ет пра́здновати, / па́че сия́ния со́лнечнаго
благода́тию Свята́го Ду́ха блиста́ющися, / на боля́щих и недужных
исцелéния исто́чники источа́ющи, // и все́м да́рующи богату́ю ми́лость.

Ины стихиры, глас 8:

Высо́кий Царю́ Непостижи́мый, / со Отце́м седя́й на Престо́ле и
Божество́нным Ду́хом, / благоволи́вый роди́тися на земли́ / от Де́вы
Неискусобра́чныя, Иисусе́: / ущедря́я Твое́ создание́ челове́ческое
естество́, неизрече́нными доброта́ми, / приими́ Твоея́ Ма́тере
приноси́мая Тебе́ за ны́ моли́твы, / и не помяни́ беззакóний на́ших, //
но помилуй́ и спаси́ ду́ши на́ша, я́ко Милосе́рд.

Преклонѣв Небесá Цáрь Слáвы, снѣде / обновѣт Адáма,
 преступлѣнием всегó истлѣвшаго, / вселѣся в Тя, Чѣстая Дѣво, /
 и родѣся, ключѣй дѣвства не рушѣв, / и на рукáх Твоѣх смирен
 Младѣнец, / Иже Архáнгелов Цáрь ношáшеся: / и ныне Твою
 молѣтву приѣмлет, / и прошѣние Твоѣ во всем исполнѣет, Богорóдице,
 я́ко Твоѣ Сын и Бóг. / Емúже усérдно молѣся, // да спасѣт дýши нáша,
 я́ко Милосérд.

Пáче скѣнии Моисѣевы, / по óбразу Небѣсному сотворѣнныя, / всю
 Тя Бóг освятѣ, Богорóдице, Дýхом Святы́м, / вѣсь вселѣся в Тя,
 всегó челоуѣка оживѣ: / тѣм и Твоѣ икóна, пáче Аарóня кивóта, /
 напóлнися благодáти Бóжия и, / источáет освящѣние душáм и телесѣм./
 Ёйже любѣзно поклоня́ющеся, / прóсим от Тебѣ вели́кия мѣлости, //
 да спасѣши дýши нáша, Благословѣнная Помóщнице.

Слáва, и ныне, глáс 8:

Приидѣте, возрадуемся Держáвней Застúпнице рóда нáшего, /
 Царѣце Богорóдице: / приидѣте к тѣхому Ея́ чýдному, почитáемому
 Ангелы, / честнóму поклонѣмся óбразу. / Дáрует бо Богорóдица
 вѣрным обѣильныя дáры целѣбныя / от неистошѣмаго истóчника святѣя
 икóны неоскúдную благодáть источáющи: / тьмѣ избавлѣет нáс,
 искушѣний и бѣд, и всякаго грехá, / благочѣстно и Богоприятно
 прославлѣющих и чтúщих / свѣтлую и чýдную Богомáтере святúю
 икóну. / Тѣм воспевáюще воззовѣм Первообразней: / рáдуйся,
 любѣзная мѣру Помóще, // во спасѣние дýш нáших.

На литий, глас 2:

Яко воистинну дрэвняго кивота пречестнее, / егда Давид собрав чины ликовствоваше, / ныне Твоя, Богородице, икона, / ейже предстоят архиереев соборы, / и с чинми Ангел священницы и все христоименитых людей множество, / достойно блажат Тя Матерь Божию, / и прославляют раболепно, и чествуют / и поклоняются, и молятся Тебе по Бозе, / да мир умириши в Православии, и Церковь утвердиши, / и спасеши от всех зол Твоя рабы, // яко Единая Благословенная.

Слава, и ныне, глас 6:

Тебе вси роди человечести хвальныя дары приносят, Владычице, / и молятся яко Царице и Матери Божии: / пророцы Тя премудро проповедаша, / левити благословиша, апостоли и мученицы исповедаша, / священницы поклоняются, архиерее проповедают, / монаси и прости благоговейют, / богати и убозии, сироты и вдовы, / и всяк возраст, и всяко преспяние, / старческое и младенческое, / под кров Твой державный с верою прибегаем: / покрый и соблюди, Господже, молитвами Твоими, // и спаси от бед души наша.

На стиховне, Слава, и ныне, глас 5:

Воспоём людие светло Давидскую песнь / Отроковице Невесте Божии, / и Матери Царя Христа: / предста Царица одесную Тебе, Владыко, / рясны златыми одяна, / и преукрашена Божественными благолепотами. / Сию убо яко избранную и добрую в женах, / паче всего мира удобрив, / благоволил еси родитися из Нея / великия ради милости: / и Сию Помощницу людем Твоим даровал еси, / спасти и покрывати от бед / всемогущею Твоею и Божественною силою, // Еяже молитвами, Христэ Бже, помилуй нас.

Тропа́рь, гла́с 4:

Засту́пнице усер́дная, / Ма́ти Го́спода Вы́шняго. / За все́х мо́лиши
Сы́на Твоего́ Христа́ Бо́га на́шего, / и все́м твори́ши спасти́ся, в
державный Тво́й покрóв прибега́ющим. / Все́х на́с заступи́, о
Госпоже́ Цари́це и Влады́чице! / Иже в напáстех и скóрбех, и в
болéзнях обременённых грехи́ мно́гими, / предстоя́щих и моля́щихся
Тебе́ умилённою душо́ю, и сокруше́нным се́рдцем, / пред пречи́стым
Твои́м о́бразом со слезáми, / и невозвратно наде́жду иму́щих на Тя, /
избавле́ния все́х зóл. / Все́м полéзная да́руй, / и вся спаси́,
Богоро́дице Де́во: // Ты́ бо еси́ Божéственный покрóв рабо́м Твои́м.

Конда́к, гла́с 8:

Притеце́м, лю́дие, к т́хому сему́ и до́брому приста́нищу, /
Скóрой Помо́щнице, гото́вому и те́плому спасе́нию, покрóву Де́вы: /
ускори́м на моли́тву, и потщи́мся на пока́ние: / источáет бо на́м
неоску́дная ми́лости Пречи́стая Богоро́дица, / предвари́ет на
по́мощь, и избавля́ет от вели́ких бе́д и зóл, // благона́вныя и
Богобоя́щая рабы́ Своя́.

Прокі́мен: Помяну́ и́мя Твое́ / во вся́ком ро́де и ро́де.

По 50-м псалме́ стихіра, гла́с 8:

Прииді́те, возра́дуемся Державней Засту́пнице ро́да на́шего, /
Цари́це Богоро́дице: / прииді́те к т́хому Ея́ чу́дному, почита́емому
Ангелы, / честно́му поклоні́мся о́бразу. / Да́рует бо Богоро́дица
ве́рным оби́льныя да́ры целёбныя / от неисто́щимаго исто́чника святы́я
ико́ны неоску́дную благодáть источáющи: / тьмы́ избавля́ет на́с,
искуше́ний и бе́д, и вся́каго грехá, / благоче́стно и Богоприятно
прославля́ющих и чту́щих / све́тлую и чу́дную Богома́тере святу́ю
ико́ну. / Те́м воспева́юще воззове́м Первоо́бразней: / ра́дуйся,
любéзная ми́ру По́моще, // во спасе́ние ду́ш на́ших.

На хвалітех, глас 4:

Просла́вим, ве́рнии, Обра́дованную Богоро́дицу, / па́че же во
устéх на́ших імамы всегда́ / свято́е и благословéнное імя Ея́, /
непреста́нно прибега́юще к пречи́стей Ея́ и цельбоно́сней ико́не. /
То́ю бо обрета́ем я́же на земли́ вся́ благая́ и полéзная, / и су́щих на
возду́се от де́монов запина́ний избавля́емся, / я́ко Ма́ти ро́ждшая
всéх Творца́, // спаса́ет от бе́д ду́ши на́ша.

Сла́ва, и ны́не, глас 8:

Свята́я Тво́я и сообра́зная ико́на, Богоро́дице Де́во, / благода́тию
Тво́ею пребога́тый су́щий исто́чник, / кипя́щий все́й подсолнечней, и
светя́щий все́му міру / светолу́чными Свята́го Ду́ха сия́ньми, и
исцелéний светлосты́ми. / Ты́ бо Бо́га Сло́ва плóтию несказа́нно
родила́ еси́, / от Арха́нгела Гаври́ла сицевая́ слы́шавши: / ра́дуйся
Обра́дованная, Госпо́дь с Тобо́ю, / и Ду́х Святы́й осенит Тя́ к зача́тию. /
Та́кожде рекла́ еси́ к первописа́нной Тво́ей ико́не, на ту́ зря́щи: /
с то́ю Моя́ благода́ть, / и сло́во Тво́е со вла́стию ико́не бы́сть. /
И о́браз и глас, и си́ла и де́ло, / и вся́к ум превосходя́щая
Божéственная благода́ть, спребыва́ющи вéчно, / зна́мения и чудеса́
непреста́нно содева́ет, / и душеполе́зное исцелéние все́м ве́рно
приходя́щим пода́ет, // Тво́ими Богома́терними непреста́нными к
Бо́гу моли́твами.